

Tito

Pauloŋe Titohât ekap kulemgum katbaŋgiop.

1 ¹O nanne Tito,
Nâmâ Paulo. Anitâ Tihit tihit Amboŋaŋe Kiristohât aposolo sâmbâ
âi nihimu mem hoŋ bawaŋgim mansan. Anitâŋe lohimbi nâŋgâyiŋgim
Kiristohât pat kuyiŋgimu mansai. Yâkŋe Kiristohât den nâŋgâŋetâ
keterakiŋgimu yâkâlen biwiyenŋaŋe kepeim târârâhâk manŋetgât
Kiristoŋe hâŋgânnohomu yâkât den bulâŋe kâsikum yiŋgim mansan.
²⁻³Anitâ Den bulâŋahât Amboŋaŋe hân himbim ki kândikyotgop yapâek
nen manman kârikŋahât pat kuningiop. Pat yakât topŋe sâmbâ tetem
lohimbi ekyongowomgât sâpŋe kalop. Otmu sâp kalop ya ekmu ârândânŋ
otmu Kiristo hâŋgâŋgumu ge mâtâwân tetenihim âi nihioŋ. Âi nihioŋ
ya mem yen orop manman kârikŋan mannom sâmbâ biwinaŋe yakât mem
mansan.

⁴Tito, emelâk nâŋe Kiristohât den pat âlepŋe ekgohomune nâŋgârâ
bulâŋe otmu yâkâlen biwihe kalon. Sâp yapâek netŋe nanŋe âwâŋaŋe
tânahomawot yakât dopŋeâk tânahom yâkâlen biwinetŋaŋe kepeim hoŋ
bawaŋgim gait. Nâŋe gâhât nâŋgâm Anitâ yuwu sâmbâ ulitguman. “O
Awoŋne Anitâ, gâŋe Kiristo hâŋgâŋgurâ ge sâreerenekmâ muop. Otmu
gâŋe mumuŋambâ mem yahatdâ gike orowâk tawot. Yetŋe Titohât tihitŋe
otmutâ biwi nâŋgân nâŋgânŋaŋe sânduk sâekgât nâŋgâman.” Yawu sâmbâ
ulitguman.

Kiristohât komot yengât kunlipyeŋe

⁵Anŋoânâmâ Kirit yengâlen ari kapi ârândânŋ hawamgum Kiristohât
den pat âlepŋe ya lohimbi dondâhâlâk ekyongomutŋe nâŋgâŋetâ
bulâŋe otmu yâkâlen biwiyenŋe katbi. Otmu gâŋe lohimbi galemyongorâ
yâkâlen biwiyenŋaŋe kepeim yâk orop konohâk otŋetâ manmanyenŋe
kelihakbuapgât kunyeŋe katgekban. Kunyeŋe katgekâm Kiristohât

komolipņe yeņgâlen ari lohimbi yeņgât galemlipyeņe lok yuwuya mem katyekbuatgât sâġ ekgoġowan. ⁶⁻⁷Lok yaņe to kârikņe ki nem biwi hâlġm otġmai. Me ki kuk otġmâ lohimbi mem siriken soroken katyekġmai. Me bukulipyeņe den ekyongoņetâ nâņgâġm yaġ âġdâpyeņe ki kârikņe otġmap. Me lohimbi nombotņeņe otņetâ bâleġmap yakât tepyeņe ki kou kâlâp seġmap. Me bukulipyeņe yeņgât iri sikumyeņe ekņġâlem ya meyiņgine sâġ ki kâityongomai. Yâkņe târârâhâk manņetâ ya yeņgât hakyeņan tosa âlâ ki tetemâp. Otmu imbi yâhâp kalimbu ki meyekġmai. Otmu nimnaomlipyeņeņe Kiristohâlen biwiyeņeņe kepeim tem lâuwaņgimai. Otmu âwâ mâġâlġpyeņe yeņgât gurâ ki mete pirik otyiņgimai. Yawu otġmâ manņetâ lohimbiņe ki sâġm bâleyiņgimai. ⁸Lok yaġ yuņe yuwu manņetâ ârâġdâņ otġmap. Lohimbi nembe kalem otyiņgimai. Otmu orotġmeme âlepņe otneâk nâņgâġmai. Biwiyeņe galemahom kilik milik manņetâ lohimbiņe manġmanyeņe ekņetâ ârâġdâņ otġmap. Biwiyeņeņe Anitâhâlen kepeim tem lâuwaņgimai. ⁹Otmu Anitâ yet Kiristo yetgât den bulâņe kâsikum yiņgiwan ya nâņgâġm biwi yâhâp ki otbi. Den yaġ yu biwiyeņeņe tiņâk mem lohimbi kâsikum yiņgiņetâ nâņgâġm biwiyeņe heweweņ otbuap. Yâhâ lohimbi nombotņeâmâ den kâsikum yiņgimai ya nâņgâņetâ tâņât otġm den kakņan sâġnomai. Ya yeņgât eņgatyeņan geņetâ den ya nâņgâņetâ keterakyiņgim heņgeņguwuap.

**Lohimbi dondâhâlâkņe den tâņât nâņgâņetâ
nâņgân nâņgânyeņe hâlġm milim olop.**

¹⁰Topņe yuwuhât otġmâ lok yawuya meyekġmâ galemlipyeņe katyekbuat. Lohimbi dondâhâlâkņe kunyeņe kârikņe otġm den tâņât ya bukulipyeņe yeņgât biwiyeņan kioņetâ nâņgân nâņgânyeņe hâlġm milim otġmap. Otmu Yura lok nombotņeņe hâkyeņe torehenņan undip tuġuaņgiņetgât dondâ sâġm hilġpgumai. Yâkņe den âlâlâ kâsikum yiņgimai ya nâņgâġmune nahat otġmap. ¹¹Yawu gârâmâ lok imbi naomlipyeņe oropņe yâk yeņgâlen torokatņetâ den tâņât kâsikum yiņgimai. Yawu otņetâ lohimbiņe den kâsikum yiņgimai ya nâņgâņetâ bulâņe otġmap. Yakât otġmâ tewetsenņe pato meyiņgimai. Yawu otġmai yaġ aņyueņahât ki nâņgâġmai. Yawu otġmâ yâhâġmaiġ hât kuyiņgiwuatgât naņgan. ¹²Emelâk embâņân Kirit yeņgât tâġbâlġpyeņe yeņgât poropete âlâņe manġmanyehât topņe nâņgâġm den kuleġguop ya yuwu tap.

“Kirit kapi ambolipņe kerekņe den perâkņe sâġmai. Âi nep ki tuġum konam im tatġmâ bâġ kandiânâk nemai. Yawu otġmâ bukulipyeņe mem bâleyekġmai.”

¹³⁻¹⁴Den kuleġguop yakât nâņgâġmune bulâņe otġmap. Yura neņgât tâġbâlġpġnenņe yeņgât biwiyeņambâ den tâņât âlâlâ tetemu alahum gai. Den ya lok yawuyaņe torokatġmâ kâsikum aņgim yakât nâņgâņetâ

yahatmap. Otmu nombotŋaŋe Kiristohât den bulâŋe nâŋgâŋetâ helekŋe otmu pilâm yeŋe eŋgatyeyeâk girem den âlâlâ bukulipyeye orop alahum ya watmai. Yawu gârâmâ lokgât nâŋgân nâŋgân watmâ yâhâmai hât Kiristohât den kâsikum yingirâ nâŋgâŋetâ keterakyiŋgimu yâkâlenâk biwiyenaŋe kepeim manmai. ¹⁵Lohimbi âlâ me âlâŋe Kiristohâlen biwiyenaŋe kepeim manmai ya yeŋgât Anitâŋe nine nanne baratne koko salek sâmap. Otmu wuân me wuân hânân kalop ya lohimbi yaŋe ekŋetâ âlepŋeâk hârok otmap. Yawuhât otmâ yu me yakât hâi sapa ki manmai. Yâhâ lohimbi nombotŋaŋeâmâ Kiristohât den nâŋgâŋetâ helekŋe otmap. Nâŋgâŋetâ helekŋe otmu yeŋe eŋgatyeyeâk otmâ orotmeme bâleŋe watmâ gai. Yakât otmâ biwi nâŋgân nâŋgânyeŋe hâlim milim otmu orotmeme âlepŋe me orotmeme bâleŋe ya ki ekmâ kiwilimai. ¹⁶Anitâhâlen biwinnenŋaŋe kepeim yâkât den topŋambâek nâŋgâmain sâm bukulipyeye ekyongomai. Yawu gârâmâ Anitâhât den loŋgâeŋetâ yekmu dondâ bâlemap. Otmu nenŋe gurâ manmanyeye ekmunŋe lok perâkŋe yawu otmap. Yakât otmâ âi yingimunŋe Anitâhât tem lâum yâkât lohimbi mem heweweŋ tuhuyeknomaihât dop âlâ ki tap.

Titoe Kiristohât den kâsikum yingiwuapgât Pauloŋe sâop.

2 ¹Anitâ yet Kiristo yetgât den bulâŋe topŋambâek nâŋgâm lâumunŋe manmannenŋe kelihakmu mansain yakât topŋe kâsikum yingiwuatgât naŋgan. ²Lok yaŋe biwiyeye galemahom to kârikŋe ki neŋetâ biwiyeye hâlim otbuap. Kiristohâlen biwiyenaŋe tiŋâk kepeim yâkât lohimbi orop biwiyenaŋe kepeiakmâ konohâk otmu manmai. Yawu manŋetâ lohimbiŋe yekmâ ewe katyeknomai. Otmu lohimbi belâŋen manmaiŋe mem âlâlâ tuhuyeknomai yan biwiyeye ki houŋ sâwuap.

Imbilipyeye yeŋgât sâop.

³⁻⁵Anitâŋe imbilipyeye yekmu ârândâŋ olâkgât manmanyeye galemahom heŋgeŋgum manmai. Den guruk, me den golâ, me den belâŋen ki sânomai. Otmu to kârikŋe neneâk ki nâŋgânomai. Otmu biwiyeye loklipyeye yeŋgâlenâk katmâ tem lâuyiŋim betyenehen ki kioŋnomai. Yawu otmâ nimnaomlipyeye wawaeyekmâ tat tat memeyeŋe galemgum heŋgeŋgunomai. Yawu otmâ manman âlepŋahât mâtâp ya baralipyeye tiripyongoŋetâ watnomai. Otmu lohimbi belâŋen manmaiŋe yekmâ Kiristohât den pat âlepŋe yakât ki sâm bâlenomai.

Lok sihan yeŋgât sâop.

⁶Otmu lok sihan yaŋe yawuâk biwiyeye galemahom kilik milik manmai. ⁷⁻⁸Yawu manŋetgât gâ gikak senyeŋan târârâhâk manmâ orotmeme âlepŋe otmâ manbuat. Otmu Kiristohât den ya ki kelangatmâ

kâsikum yingiwuat. Den ya tâj tâjâk ekyongorâ ya nângâm den kakņan sânomaihât dop ki otbuap. Otmu lohimbi belângen manmaiņe sâm bâleningim mâtâp maņguningine sâm pâpgum pilânomai. Yawu otnomai ya yeņgât nângâyingiņetâ kakņe otbuap.

Âi lok yeņgât sâop.

⁹Otmu kunlipyeņaje âi lok ya yekņetâ ârândâņ olâkgât ewe katyekmâ yâk yeņgât tem lâunomai. ¹⁰Otmu ki kombo tuhunomai. Yawu otmâ Anitâhât den kâsikum yingiwîn ya biwiyeņaje kepeim tâj tâjâk watmâ manņetâ lohimbi belângen manmaiņe yekņetâ ârândâņ otbuap. Yekņetâ ârândâņ otmu Anitâ Tihit tihit Amboņahât nângâņetâ yahatbuap.

¹¹Anitâņe ikņe eņgatņeâk otmâ Yesu Kiristo hâņgâņgumu giop. Ge manmâ nengât tosanenņe pilâningim manman kârikņahât mâtâp tiripņongop yakât yuwu sâmunne nâņgâ. ¹²Emelâk nenņe Anitâhât topņe ki nâņgâm nenņe eņgatnenņeâk watmâ orotmeme bâleņe topņe topņe otmâ manminiwin. Yawu manmunņe Kiristohât den pat âlepņe eknongonņetâ nâņgâmunņe keterakningimu orotmemenenņe bâleņe pilâm biwinenņe galemahom mansain. Yawu otmâ Anitâhâlen biwinenņaje kepeim tem lâuwangim mansain. Yawu mansain yakât lohimbi belângen manmaiņe otņetâ kiņgoņ otmap yawu ki otnom. ¹³⁻¹⁴Anitâ yet Kiristo dopyetņe konok. Yawu gârâmâ Kiristone nengât toсахât otmâ ge kawenenņan kinmâ muop. Anitâņe mumuņambâ mem yahalop yan Manman Bâleņe Amboņahât paņgoņâmbâ holaņnenehop. Holaņnenekmu yâkâlen biwinenņaje kepeim mansain. Yawu otmâ orotmeme âlepņeâk otmâ mannehât menenekmâ tosanenņe pilâningimu mansain. Yawu manmunņe yâkņe âwurem ge sârerenenekmâ manman kârikņan katnenekmu heroņe kakņan manbisâin. Yakât nâņgâm biwinenņe mem manmâ yâhânom.

¹⁵Den ekgohoan yu Anitâhât sâtgât otmâ kâsikum yingirâ nâņgâņetâ biwiyeņe hewewen otbuap. Yawu otdâ lohimbiņe nâņgâhhiņetâ ki gewuap. Otmu den yu lohimbi nombotņaje ki nâņgâm nâņgâm otnomai yamâ sâyingiwuat.

Biwinenņe galemahom lohimbi kerek ewe katyekmâ mannom.

3 ¹Gawaman patoņe galemlipyene katyekņetâ kinsai ya Kiristohât lohimbi kerekņe yâk yeņgât amutgen manmâ orotmeme âlepņeâk otmâ mannomaihât ekyongowuat. ²⁻³Kândikum emelâk nenņe Anitâhât topņe pâpgum nâņgân nâņgân bâleņe biwinenņambâ teteop ya watmâ otnehâlâk nâņgâm ihilâk mahilâk otminiwin. Lohimbi âlâ me âlâņe tep hero kakņan manņetâ yekmâ senņe âlâlâyeņe ekrâlem meyiņgine sâm nâņgâminiwin. Otmu lohimbi nombotņe orop kasa orangiminiwin. Yawu otmâ biwi nâņgân nâņgânnenņe dondâ bâlemu manmunņe kiņgoņ maņgoņ

otminiop. Yawu otminiwin yakât nângâm gâŋe ekyongorâ ki hâiaknomai. Otmu den belângen ki sahaŋginomai. Lok nombotŋaŋe den kakŋan sahaŋginomai yamâ eweyiŋim lohotŋan otyiŋginomai. Otmu nombotŋaŋe kuk otmâ mem ge katyekne sâm otnomai ya mem sânduk tuhuyeknomai.

⁴⁻⁵Emelâk orotmeme bâleŋe topŋe topŋe otmâ manminiwin yan Anitâ Tihit tihit Amboŋaŋe ikŋahâk wawaenenekmâ Yesu Kiristo hâŋgângumu ge hohetnenŋan tetem manmâ nengât tosaŋhât otmâ muop. Yakât otmâ yâkâlen biwinenŋe katmunŋe toen katnenekŋetâ yapâ gâtŋaŋe Anitâŋe tosanenŋe pilâm umam sâningiop. Yawu otmâ ikŋe Wâtŋât mâmâŋahât Heak hâŋgângumu ge biwinenŋan ge kelihahop. Biwinenŋan ge kelihakmu manman âiŋe teteniŋimu Anitâŋe manman kârikŋahât pat kuningiop.

⁶⁻⁷Yâhâ Anitâŋe ikŋahâk Kiristo hâŋgângumu ge nengât tosaŋhât otmâ muop. Mum yahatmâ himbimân âwurem yâhâop. Yakât otmâ Anitâŋe Wâtŋât mâmâŋahât Heak nengâlen hâŋgângumu giop. Ge mem hewewej tuhunenekmu Kiristohâlen biwinenŋe katmunŋe manman âleŋŋahât bulâŋe âlâlâ teteniŋiop. Otmu Anitâŋe nenekmu ârândânŋ otmu nine nanne baratne sâm manman kârikŋahât pat kuningiop. Manman kârikŋahât pat yakât bulâŋe menom sâm biwinenŋe mem mansain. ⁸Den ekgohoan yu nâŋgârâ bulâŋe otmu biwihan katmâ lohimbî Kiristohâlen biwiyeŋe kepeim manmai ya topŋambâek ekyongorâ lâum mannomai. Yawu manmâ manmanyenŋe kelihakmu biwiyeŋe galemahom heŋgeŋgum orotmeme âleŋŋeak otmâ mannomai. Yawu mannomai yan lohimbîŋe manmanyenŋe ekŋetâ ârândânŋ otmu yeŋe biwiyeŋahât topŋe naŋgaŋginomai.

⁹Yâhâ tâmbâlipyenŋe tetem sambe sambe otbi ya yengât den pat ya lok nombotŋaŋe gâ orop alahune sâm otnomai yan ki nâŋgâyiŋgiuwat. Me biwiyeŋambâ nâŋgân nâŋgân tâŋât âlâlâ tetemu den kakŋan sahaŋgine sâm otnomai ya gurâ ki nâŋgâyiŋgiuwat. Yâhâ orowâk den sahaŋginomai yanâmâ nâŋgâm bâleŋim hioŋaknomai. Otmu emelâk Anitâŋe girem den âlâlâ Mose ekumu kulemguoŋ ya Yura papatolipnenŋaŋe yeŋe nâŋgân nâŋgân yan torokatbi. Den torokatbi ya lâunomgât sâŋetâ ki nâŋgâyiŋgiuwat. Den alahumai yan biwiyeŋe ki kelihakmu mansai. Yakât otmâ den yawu yakât nâŋgâmune helekŋe otmap. ¹⁰Lohimbî yawuyaŋe den tâŋât yakât nâŋgâŋetâ yahatmu den kakŋan sahaŋŋetâ Kiristohât lohimbîŋe hioŋakmaiŋhât kuyiŋgiuwat. Kuyiŋgirâ ki nâŋgâhîhinomai otmuâmâ âlâkuâk kuyiŋgiuwat. Yâhâ ândâpyenŋe kârikŋe otmu yawuâk otmâ yâhânomai yanâmâ Kiristohât lohimbî ekyongorâ betyongoŋetâ mannomai. ¹¹Lohimbî yawuyaŋe Kiristohât den tâpikgum otmâ hilipgum manŋetâ Anitâŋe yekmu bâlemu hiliwahonomaiŋhât pat mansai.

Den bâiŋe sâop.

¹²Nâŋe kapi yu pilâm Nikopoli kapiân ari to yambu pesuk sâek sâm mambotbom. Yakât otmâ gâŋeâmâ Kirit pilâm Nikopoli kapiân in yawu

takarâ penaŋgiakdom. Yakât nâŋgâm bukunenŋe âlâ hâŋgâŋumune taka gâhât gewâk mem tatbuap. Yâhâ Atema me Tikiko hâŋgâŋumune takawuap yakât ki nâŋgâm heŋgeŋuan. ¹³Otmu bukuyâhâtnenŋe yâhâp, kutyetŋe Sena yet Apolo sâŋ, yâkŋe Kirit yeŋgâlen kapi titipâ tatmâ arap yan takaromawot. Yâhâ Senaŋe âi yuwu mem manmap. Lohimbi âlâ me âlâŋe otmâ hilipguai sâŋ tembe lâuŋe meyekmâ den âiân katyekŋetâ kinmai. Yaŋe topyeŋe sâŋ teteakŋetâ Senaŋe tânyongomu den sâŋ hâreyiŋimai. Aiop, gâhâlen takaromawot yan mâtâp meytgiwuâtgât naŋgan. ¹⁴Gâ gikiâk mâtâp meytgiwuâtgât ki yan. Kiristohât lohimbî ekyongorâ orotmeme âlepŋeâk otmâ lohimbî umburuk mansai yawuya buku otyiŋim tânyongonomai. Yakât nâŋgâm Sena yet Apolo yetgât mâtâp meytginomaihât naŋgan.

¹⁵Nâ orop nep tânahom mansain orowâk nâŋgâhihiain. Otmu Kiristohât lohimbî ya gurâ nâŋgâyiŋiain ya ekyongowuat. Anitâŋe yen orop tatmâ tihityeŋe otmu manŋetgât naŋgan.

Nâ âwâhe,
Paulo